

AWIG - AWIG
DESA PAKRAMAN KUTUH KAJA



DESA SAMSAM KECAMATAN KERAMBITAN
KABUPATEN TABANAN
WARSA 2006

MURDDHA CITTA
OM AWIGHNAM ASTU NAMA SIDDHAM !

Sembah bakti miwah pangastawan titiang majeng ring paduka Bhata-Bhatari sesuwunan titiang sami, riantukan wantah malarapan panghyangning kalih paswecan Ida Sang Hyang Widhi Wasa asung kertawaranugraha ngresti jagat jangkep rawuhing sadagingnya sami, mawinan wenten kahuripan sekala niskala ring Bhuana Agung miwah ring Bhuana Alit. Manut dresta, desane kemanggehang dados pasayuban Krama Desa rawuhing kulawarga pawongannya sami, mawastu raris Desane kamanggehang pinaka pawakan Bhuana Agung, pawongannya kamanggehang pinaka pawakan Bhuana Alit.

Sotaning pawakan Bhuana Agung, Desane taler kamanggehang pinaka pawakan bhawa mahurip, sane kacirenin antuk wentene pakilit Tri Hita Karana sane nenten dados pasahang, luwire :

- la. Parhayangan, sahanan parhayangan panyiwian Desa, geuah ngarcana bhawan Ida Sang Hyang Parama Wisesa, pinaka jiwa Desane ;
- na. Pawongan, gebogan krama saha warga Desa maka sami pinaka bayu pramanan Desane, mawinan Desane prasida maolah prawreti ;
- ca. Palemahan, sahananing tanah kekuwuban wewidangan Desa, pinaka stulan Desane.

Adung patemoning Bhuana Agung ring bhuana Alit, maka larapan ngupadi santa jagadhita, punika sinanggeh murdhaning prayojana pangriptaning awig-awig iki, rikala paseban mami Krama Desa Pakraman Kutuh Kaja pinaka sepat siku-siku pamatut miwah pamutus wasu kasidan prayojanan mami kabeh, prasama angidep miwah amageh aken linging awig-awig kadi ring sor iki.

**PRATHAMAS SARGAH
ARAN LAN WEWIDANGAN DESA**

Pawos 1

- (1) Desa Adat puniki mawasta Desa Pakraman Kutuh Kaja.
- (2) Jebar kekuwub wewidangannya mawates nyatur desa :
 - ha. Sisi wetan Tukad Yeh Nu.
 - na. Sisi kidul Desa Pakraman Kutuh Kelod.
 - ca. Sisi kulon Tukad Yeh Nusa.
 - ra. Sisi lor Desa Pakraman Riang Gede.
- (3) Jebar kekuwub wewidangan sane kawengku antuk wates-wates inucap wenten :
98.293 Ha.
- (4) Sane kamanggehang ngranjing dados kekuwub wewidangan Desa Adat puniki, manut dresta, luwire :
 - ha. Pupulan karang paumahan sane sinanggeh Palemahan Desa Pakraman :
 - na. Setra, carik miwah tegal sane wenten ring kekuwub wewidangan Desa Pakraman puniki sajabaning Palemahan Desa Pakraman, manggeh ngranjing dados Tlajakan Desa Pakraman Kutuh Kaja.
 - Desa Pakraman puniki ke sungkemin olih Banjar Adat Kutuh Kaja.
 - Ing-awig, pararem miwah sahanan Pasuaran Desa, manggeh kajejerang ring desa kekuwub wewidangan Desa Pakraman puniki sami.

**DWITĪYAS SARGAH
PATĪTIS LAN PAMIKUKUH**

Pawos 2

- (1) Pakraman Kutuh Kaja ngamanggehang pamikukuh, mipakadi :
 - 1.1.1.
 - 1.1.2. Undang dasar 1945, pamakas pasal 18.
 - 1.1.3. Uta Karana, manut sadacara Agama Hindu
 - 1.1.4. Azasi Manusia (H.A.M)

Pawos 3

1. Lawar Patitis Desa Pakraman Kutuh Kaja
2. Mikukuhin miwah ngrajegang Sang Hyang Agama.
3. Nginggilang tata prawretine ma Agama.
3. Ngrajegang kasukertan Desa saha Pawongannya sekala lan niskala.

TRITIYAS SARGAH
SUKERTAN TATA PAKRAMAN

Palet 1

Indik Krama

Pawos 4

1. Salananing sang jenek mapaumahan ring wewengkon wewidangan Desa Pakraman Kutuh Kaja sinanggeh warga Desa.
2. Warga Desa inucap ring ajeng, linggihnyane wênten 2 (kalih) soroh :
 - a. Warga Desa sane ma Agama Hindu tur sareng nyungkemir Kabhayaan Desa Pakraman Kutuh Kaja sinanggeh warga Desa.
 - b. Sajaba punika, sinanggeh Krama Tamiu, sane kasulurang manut pararem.

Pawos 5

1. Pakraman,
 - a. Salanan Warga Desa sane sampun marabian, patut ngawit dados Krama Desa.
 - b. Nginggil Krama, manut karendahan kulawargannya, patut keci sinalih tunggil ngayah :
 - a. Ayahan Ngarep
 - b. Ayahan Balu
 - c. Nginggil ngawit tedun ngayah :
 - a. Marep ring Krama Desa sane mawit saking pawiwahan A(siki) sasih saking puput makala-kalan.
 - b. Marep ring Krama Desa Sane mawit saking ngarangin, kasulurang manut pararem.

4) Krama Desa sane wenang nyada yan sampun kapastika, luwire :

ba. Sungkan tahunan :

na. Yan sampun maderbe pangentos utawi panyeledit / *penyundul*

ca. Risampun ketetes usia manut pandangan Krama.

5) Sang saking sewosan Desa yan sareng tedun makrama Desa ring Desa Pakraman Kutuh Kaja patut keni batu-batu utawi pamogpog, sane agengnya kasulurang manut

pararem — ③

6) Yening wenten krama saking sewosan Desa sareng ngranjing makrama Desa ring Desa Pakraman Kutuh Kaja patut kaduluri antuk surat keterangan sane jangkep.

Pawos 6

Wusan dados Krama Desa, luwire :

1) Sangkaning :

ba. Seda :

na. Pinunas ngraga, manawi magingali linggih saking wewengkon Desa Pakraman Kutuh Kaja :

ca. Kanorayang, malantaran piwal ring awig-awig miwah Pararem Krama Desa, utawi tan satimut ring pituduh prajura sajeroning bidik nyupat sikian, minakadi nenten prasida ngehehin prawreti :

ra. Tata-titine nitenin wusan dados Krama Desa iucap ring ajeng, kasulurang manut pararem — ④

2) Sang wusan dados Krama Desa tan polih pahpahan druwer Desa, sajawaning pahpahan sane mawit saking utschen Banjar, miwah tan polih pasayuban malih sajeroning ala ayu

Pawos 7

Ngawitan Krama Desa, patut keni tetegenan utawi ayah-ayah, luwire :

1) Ayahan Ngarep, mapiteges paturunan miwah ayahan memungkul saking Krama Ngarep.

2) Ayahan Balu, luwire :

ba. Balu remban, sane pianaknyane kanton alit-alit, punika keni ayahan balu remban, sane kasulurang manut pararem — ⑤

ca. Balu ngelintik, sane kasulurang manut pararem — ⑥

(3) Ritatkala ngardi wewangunan kabuatan Desa Pakraman, kramane sajaba keni
ayahana manut pawos 7, taler keni paturunan sakadi ring sor :

ha. Paturunan samawibhaga manut pararem. — ⑤

na. Dana punia, manut kalascaryan sang madana punia.

2. Krama Desa, kadadosang :

ha. Mapuankid utawi tan tedun ngayah/parum :

1) Rikala mapawangunan, nangun yadnya, kaluwasan masenger dewasa;

2) Keni dedawuhan saking Guru Wisesa ;

3) Kapialang, luwire : sungkan, natepetin, kalayusekaran, lan sakancan
punika (Manut Pararem.) - ⑥

na. Dados ngwakilang ring jadmia tiosan, sane sampun mene'k daa/truna.

ca. Dados mogpog utawi nambah ayahana, prade :

Magenah ring Desa sewosan malantaran ngrereh pakaryan

ra. Dados nyeledit utawi nyuksukin Krama Ngarep yan sampun mayusa 17
warsa.

Pawos 8

1. Statutan Krama Tamiu

Krama Tamiu, patut madana punia ring Desa Pakraman, manut pararem

2. Krama Tamiu, patut polih pasayuban marupa pitulung rikenjekin katiban
pencabahaya.

Pawos 9

1. Caranan miwah Leluputan :

Paturunan utawi peson-peson sajeroning ngulati kasukertan Desa Adat Banjar,
nategenang ring Krama Desa.

2. Singgih leluputan miwah bacakan sang polih leluputan, kaunggahang jeroning
Pararem.

Sajawaning Prajuru Desa Banjar, sane taler pastika polih leluputan, luwire.

ha. Para sadhaka, minskadi Pamangku Kahyangan/Panyiwian Desa, lan Panyade

na. Sang sungkan tahunan ;

ca. Wong cedangga banget ;

ra. Wong ubuh meme bapa, jantos mayusa 17 warsa.

Palet 2

Indik Prajuru lan Dulu Desa

Pawos 10

1. Desa Pakraman Kutuh Kaja kaenter antuk Prajuru Desa Adat, kamanggala antuk Bendesa Adat.
2. Banjar kaenter antuk Prajuru Banjar, kamanggala antuk Kelihan Banjar utawi Kelihan Adat.
3. Tempekan kaenter antuk Kelihan Tempekan.
4. Prajuru Desa Pakraman, patut :
 - ha. Mawit saking Krama Ngarep ; Keenter manut perarem.
 - na. Kaadegang Bendesa Adat malantaran antuk pamilihan jeroning Paruman Krama Desa, nyabran 5 (lima) warsa, sajawaning wenten pari indikan tios, tur sang sampun puputing panumaya, kengin kapilih malih ;
 - ca. Prajuru Desa sane siosan pemilihan ipun keenter manut Perarem.
 - ra. Maduluran atur piming ring Para Desa

Pawos 11

1. Bendesa Adat, karombo antuk :
 - ha. Panyade, pinaka wakil Bendesa Adat.
 - na. Panyarikan, pinaka Juru Surat.
 - ca. Patengen, pinaka Pangemong Druwen Desa
 - ra. Kasinoman, pinaka Juru Gumenang
2. Sajeroning ngenterang kasukertan kaniskala, Bendesa Adat, patut misinggihang Pamangku Kahyangan Desa.
3. Prajuru Desa taler ngadegang Dulu Desa utawi Panglingsir, sane sinauggeh Kerta Desa, mawit saking Prajuru sane sampun puputing panumaya, sang wikan ring adat miwah agama, Kepala Desa miwah sane lianan, sane kasulurag manut Perarem.

Pawos 12

- Swadharmaning Bendesa Adat, lawire
 - ha. Ngenterang paruman-paruman Desa Banjar.
 - na. Ngenterang panglaksanaan sadaging awig-awig miwah pamutus-pamutus Krama Desa Banjar, sane sinauggeh Perarem.
 - ca. Ngentera miwah nudonang tata-titine migunayang sarajalana druwen Desa.

- ra Nuntun saha ngenterang Krama Desa rawuhing Warga Desa sami, ngupadi kasukertan sekala lan niskala.
 - sa Nuntun saha nyaksi upacara sangaskaraning kahuripan sane mabuat, minakadi sane ngilitang sulur pakulawargan.
 - da Nuntun saha ngenterang Warga Desa nginggilang Sing Hyang Agama, kasucian Kahyangan, kasucian Palemaban, kasucian Pawongan, miwah tata-titine migunayang Setra.
 - ta Mawosin miwah niwakang pamutus marep ring wicaran Warga Desa.
 - sa Ngwakilin Desa/Banjar, matemuang bebawos ring sapa sira ugi.
 - wa Lau sane sewosan sane wenten pakilitnya ring Desa/Banjar.
- (2) Tata-titine nglaksanayang swadharma mucap ring ajeng, tan maren patut satinut ring daging awig-awig, pararem, dresta miwah pamutus paruman Desa/Banjar.
- (3) Paaglaksanane ring ajeng patut kasiarang ring Desa/Banjar kapungkuripun.
- (4) Samakuta utawi sumanggup natak pamutus paruman Desa/Banjar, ngeninin swadharma sowang-sowang Prajuru.

Pawos 13

Pras utawi olih-olihan Prajuru/Dulun Desa, luwire :

- ra Puput reramon utawi peson-peson ;
- sa Puput paturunan marep ring Yadnya ;
- da Poldhinding tengah ;
- ta Padas sewosan manut pararem.

Pawos 14

- ra Padas Dulun Desa, kapilih nyabran 5 (lima) warsa, ngawit saking padiwasane ngadegang Prajuru/Dulun Desa.
- sa Padas Dulun Desa sane swadharmanya sampun puputing sengker, kengin kudu malih.
- da Padas malikane ngadegang Prajuru/Dulun Desa sakaluwire, kapastikayang mawosin Paruman Krama Desa tu kangkupun antuk Krama.
- ta Wasa dados Prajuru/ Dulun Desa, sangkaning :
 - ra Padas,
 - sa Padas ngraga malantaran jalaran sane pastika ;
 - da Swadharmanya sampun puputing sengker ;

ra. Kawisanang/kanorayang olih Krama Desa duaning iwang pamargi, menawi nilar sesaua.

- (5) Ngentosin, ngwusanang utawi nganorayang Prajuru: Dulun Desa, patut kangiang sajeroning Paruman Krama Desa tur kaingkipun antuk Krama Desa.

Palet 3

Indik Kulkul

Pawos 15

- (1) Dudonan Kulkul ring Desa Pakraman Kutuh Kaja, luwire
 ha. Kulkul Desa ;
 na. Kulkul sekaa-sekaa.
- (2) Kulkul Desa/Banjar, kamanggehang pinaka piranti utawi sarana tengeran maka wangsit, ring wewengkon wewidangan Desa/ Banjar.
- (3) Tetepakan suaran kulkul manut dresta, tur anggah-ungguh tetepakanipun kaungguhang jeroning Pararem.

Pawos 16

- (1) Kulkul Desa/Banjar, tan wenang katepak yan tan sangkaning pituduh Prajuru, sejawaning tengeran kapanca bhayan.
- (2) Sang nepak Kulkul Desa/Banjar, tan sangkaning pituduh Prajuru, patut digelis atur sapeksa maka buatan panepakane : yan piwal, sang mamurug wenaug katibakin danda, manut pararem.
- (3) Kulkul sekaa-sekaa miwah kulkul pondokan-pondokan, tan kalugra nyawerin utawi mاتهin sukat miwah tetepakan Kulkul Desa/Banjar : prade mamurug, sang mamurug taler wenang katibakin danda, manut pararem.

Palet 4

Indik Paruman

Pawos 17

- (1) Daleran Paruman ring Desa Pakraman Kutuh Kaja, luwire
 a. Paruman Krama Desa, kawentenang sanistannya apik n jeroning awarsa utawi manut kabuatan, sane karihinin antuk tetibak arah-arai.
- b. Paruman Padgatakala, rehnng wenten indik sane dhat ntabuat sane pacang kahawosang, sane karihinin antuk tetibak arah-arai.
- c. Paruman Krama, kawentenang nyabran 6 (enem) sasih nenten majalaran arah-arai malih, duaning sampun maderbe tegak sangkenan sane pastika, manut pararem.

- ra Paruman Prajuru/Dulun Desa, kawentenang manut kabuatan.
- ka Paruman sekaa-sekaa, kawentenang manut kabuatan
- 2. Pamargin Paruman Krama Desa/Banjar, patut nganutin dudupan :
 - ka Paruman wahu kengin kakawitin sesampune katedunin antuk pinih kedik kalih pah tiga lintang saking sang patut ngamiletin, kamanggala antuk tengeran suara kulkul, mabusana adat Bali, tau kalugra makta gegawan sakaluwire, karihin antuk ngarcana Bhagawan Panyarikan majalaran Widhi Widhana lan cane.
 - ka Maka pangawit, kalaksanayang panyacak pangese, karuntutin antuk nyacak dedosan, wahu kalanturang antuk parum ; sesampun parumane puput, patut kacacak malih, tur sane kasep, sang ninggal paruman miwah sane nosa, wenang katibakin danda, sane ageng alitipun, kasulurang manut pararem.
 - ka Maka pamastika wahu kengin nyacak pangese, kasulurang manut pararem.
 - ka Sajeroning paruman tan kalugra ngwetuang wak ghora minakadi ngardi Blota; sang mamurag, wenang kenai pamidanda bea pacatnil, sakadi dandangin anguman-uman ring paseban, sane kasulurang manut pararem.
 - ka Pamutus bebawos sane briuk sapanggul utawi ingkup, punika sane kaaptiang tur kamanggehang.
- Gawane daging peparumane nenten kaingkipun, Prajuru Desa mangda ngilikang
 - ka Kerta Desa saha pamutusnya mangda kararemin antuk Krama Desa ; bilih jantos prajuru tiga taler nenten prasida kaingkipun, Prajuru Desa dados nunas bawos ring Kerta Desa ; bilih pamutus Kerta Desa taler nenten kaingkipun, Prajuru Desa, mangda minasang indike punika ring Sang Maraga Guru Wisesa

Pawos 18

- 1. Sajeroning Paruman Krama Desa, Bendesa Adat patut nyiarang pamargin.
- 2. Bendesa Desa, pamekas ngeninin indik :
 - a. Manjuk lungsuring gebogan pakraman saha ayah-ayahnyane, minakadi sulur atthabrana druwen Desa
 - b. Pangrencanan Prajuru, ngeninin usaha Desane kapungkur.
- 3. Sajeroning Paruman Krama Desa sane sinanggeh Pararem, kamanggehang maka
 - a. Panggep panglaksanan awig-awig

Pawos 19

1. Paruman Prajuru/Dulun Desa, kawenangang wantah ngrincikang pangrencana marep ring utschen Desane kapungkur.
2. Paruman Prajuru Desa, tan kawenangang ngamedalang tetegenan ring Krama Desa, saderege kaingkupin antuk Krama Desa.
3. Pamutus Paruman Prajuru Dulun Desa, kengin ngwetuang pasuara manut daging paduh sang ngawa rat, utawi ngonekang pamutus sane pecak sampun dados Paruman Krama Desa.

Palet 5

Indik Druwen Desa

Pawos 20

- a) Sane kamanggehang dados druwen Desa Pakraman Kutuh Kaja, luwire :
 1. Kahyangan Desa, luwire :
 - 1) Kahyangan Tiga : Pura Desa, Pura Puseh, Pura Dalem.
 - 2) Kahyangan druwen Desa sewosan ring Kahyangan Tiga, minakadi : Pura Bale Banjar, Pura Sapuh Jagad, lan Pura Alas Harum.
 2. Wantilan.
 3. Setra 9 are.
 4. Lembaga Perkreditan Desa (LPD) ;
 5. Lelanguan, minakadi tetabuhan lan ilen-ilen druwen Desa, luwire :
 - 1) Gong
 - 2) Lekita-lekita : pipil utawi sertipikat, awig-awig, pasuara, pararem.
 - 3) Palawatan Ida Bhutara marupa : Ratu Ayu
 6. Pan Desa Adat Kutuh Kaja mawit saking
 - 1) Udon-upon saking telajakan.
 - 2) Paturunan saking Krama Desa ;
 - 3) Palca saking Gura Wisesa ;
 - 4) Dana punia tiyosan sane patut ;
 - 5) Pak-pahan saking LPD. / *seban Gong, kelompok krama dst*
 7. Kenggen Paruman Krama Desa, Bendesa Adat patut nyiarang munjuk lungsur
 - 1) Udon-upon laba pura lan sapanunggalannya sane sinanggeh druwen Desa.
 - 2) Udon-upon palaba pura lan sapanunggalannya, kanggen prabea piodalan miwah
 - 3) Kenggenan ring pura, tiler prabea tiosan marep ring kabuatan, Desa Pakraman.
 - 4) Udon-upon druwen Desa patut wenten lekitannyane sane pastika.

5) Tan kalugra ngadol utawi ngesahang druwen Desa yan tan kacumponin antuk Krama Desa sami.

Palet 6

Sukerta Pamitegep

Kaping 1

Karang, Tegal, lan Carik

Pawos 21

- 1) Krama Desa sane ngamong karang Desa utawi karang pumahan ngraga, patut ngwatesin karangnya sowang-sowang antuk pagehan/turus utawi tembok, mangda pakantenannya asri.
- 2) Watase sane mawasta gegaleng kaluan miwah gegaleng kateben mangda nganutin dresta, tur kakaryanin olih sang negen wates inucap.
- 3) Prade karasayang pagehan/turus inucap nglikadio, yan pada arsa panyandinge, watase kengin nganggen pinget utawi prasihna pal saking Agraria.(BPN) kewannten kasakal antuk Prajuru/Desa/Baujar.
- 4) Prade wenten karang kabebeng, mangda kautsahayang wenten pamesuanunya sane mastika

Pawos 22

Sinalih tunggil Krama Desa/Krama Banjar, nenten kalugra :

- 1) Ngalah-alah margi, karang desa, tegal ayahan desa, tegal/carik krama lian, lan sakancan punika ;
- 2) Ngalah-alah tegak kahyangan, setra, lan sakancan tegak sane sinanggeh suci.
- 3) Prade wenten mamurug kecape ring ajeng, sang mamurug, patut ngwaliaang tanah ajeng, tur sang ngalah-alah tegak suci, tiosan ring ngwaliaang tanah tegak suci ajeng, taler patut karantun antuk dewa danda miwah artha danda, sane salurang manut pararan.

Kaping 2

Pepayonan

Pawos 23

Ngawit nandur pepayonan minakadi tanem tuwuh, patut adepa agung ngajeroang saking wates : pepayonan minakadi tanem tuwuh sane jantos ngliwat wates. Senang kasepatgantungin

- 2) Pepayonan sane ngungkulin mewastu mayanin ka pisaga, sang nruwenang pepayonan inucap patut kawara tur kairing mapiguman antuk sang rumasa katetehan, bilih-bilih sang nruwenang, arsa ngrebah utawi notor wit pepayonane punika.
- 3) Paradene sampun kawara taler tan wenten utsahan sang nruwenang, sang rumasa katetehan wenang masadok ring Prajuru, tur risampune kaparitas kandugi wenten lelugrahan Prajuru, wahu wit pepayonane punika kengin karebah, sakewanten panukun patin wit pepayonane patut katahur olih sang rumasa katetehan manut panglokikan sang nepasin, tur wit pepayonane sane karebah punika, kasukserahang ring sang nruwenang.
- 4) Sang patut keni pamidanda panyangaskara saha prabea manut pararem, marep ring wewangunan sang karubuhan, luwire :
- ha. Sang nruwenang wit pepayonan sane sinanggeh mayanin, pradene pungkut tur ngrubuhin wewangunan krama tiosan :
- na. Sang notor, monggol utawi ngrebah taru, tur ngrubuhin wewangunan, krama tiosan.
- 5) Krama Desa patut ngamanggehang kawriedan tanem tuwuh sane ngawinang Desane asri tur lestari sane kawastanin Bhuta Hita sane mateges kalestarian lingkungan hidup.
- 6) Sinalih tunggil krama sane pacang ngrebah pepayonan minakadi tanem tuwuh sane ngawinang Desane asri tur lestari, patut masadok ring Prajuru.

Kaping 3

Wewangunan

Pawos 24

Syabran ngwangun, sowang-sowang krama patut :

- La Masadok ring Prajuru, pamekas marep ring wewangunan sane mapanyaitan minakadi menengin wates ;
- na. Ngangge Asta Bhumi miwah gegulak Asta Kosali, sanistannya manut ring patitise ka niskala :

- 2) Prade wewangunan jantos nyayubin ka pisaga, bilih-bilih temboke ring telenging wates, risampune kawara tur kairing mapiguman taler tan wenten utsahan sang nruwenang, kangkat kasadokang ring Prajuru ; sesampune kaparitas tur wenten lelugrahan Prajuru, sang nruwenang wenang keni danda manut pararem, tur tembok inucap patut kagubar olih sang nruwenang, sanistannya mangda kakaryanang abangan.

Kaping 4

Wewalungan

Pawos 25

- (1) Sahanan warga desa sane miara wewalungan : bawi, banteng, lsp. Mangda sayaga nitenin negul minakadi nglogor wewalungannya, mangda nenten ngrusak karang utawi pabianan krama tiosan, bilih-bilih jantos ngranjing ngletehin kahyangan
- (2) Prade wenten wewalungan mahumbai utawi ngeleb tur ngrusak karang utawi pabianan krama sewosan, risampune kawara taler nenten wenten utsahan sang nruwenang, yan wewalungan punika malih ngrusak karang utawi pabianan krama sewosan, wewalungan inucap kengin kataban, tur sang nruwenang wenang katibakin danda ngwaliang panukun wit tetanduran sane karusak, saha nahur panebas pepiaran tetabanan, manut panglokikan Prajuru Desa/Banjar.
- (3) Prade wenten wewalungan ngranjing jantos ngletehin genah suci, minakadi kahyangan, panrajan lan sakancan punika, risampune kaparitas antuk Prajuru, sang nruwenang wewalungan inucap wenang keni dewa danda lan artha danda, agung alit ipun manut kecap sastra agama, sane kapikulah antuk Krama Desa/Banjar.
- (4) Krama Desa patut nyerayanin wewalungan miwah sarwa priani, tan kapatut mademang paksi, nuba ulam lan sakancan punika, pinaka sinilih tunggil utsahan Krama Desa ngardi Bhuta Hita.
- (5) Sang mamung kecape ring ajeng, wenang keni danda manut pararem.

Kaping 5

Bhaya

Pawos 26

- (1) Bacakan bhaya, luwire : jiwabhaya, arthabhaya, agnibhaya, toyabhaya, indubhaya, lsp. Sane ketahipun kawastamin pancebhaya.

- (2) Sinalih tunggil krama sane manggihin prasihna pastika wentene sahanan pancabhaya, patut digelis nepak kulkul tengeran kapancabhayan, tur digelis masadok ring Prajuru.
- (3) Prade Desane kahanan jiwabhaya, Krama Desane patut ngaturang upacara pamahayun Desa manut kecap sastra agama sane kapikukuh antuk krama, tur sang ngwetuang jiwabhaya, katur ring sang ngawawenang.

Pawos 27

- (1) Sinalih tunggil krama sane manggihin prasihna pastika wentene arthabhaya (kamalingan), patut digelis nepak kulkul tengeran pamitulung manut pawos 15 (3) utawi pawos 16 (1) ; sang kamalingan patut atur supeksa ring Prajuru ; sang kacihnau ngamaling, katur ring sang ngawawenang, maweweh malih patut keni dewa danda lan artha danda manut pararem, yanipun ngamaling barang druwen Desa sane sinaggeh suci.
- (2) Sowang-sowang krama Desa tan kapatut mapailonan ring dusta ; sang kacihnau mapailonan ring dusta patut katibakin danda kadi dandaning maling, sane kasulurang manut pararem.
- (3) Indik ngrerch reramon minakadi daun kelapa, ron miwah sane sewosan ring pabianan krama tiosan ri kenjekan suwung, kasulurang manut pararem.
- (4) Indik ngranjingin pakubon utawi pakarangan krama sewosan rikala suwung, mawastu raris sang maderbe pakubon utawi pakarangan kaicalan, kasulurang manut pararem.
- (5) Indik ngranjingin pakubon utawi pakarangan krama sewosan rikala suwung riantukan wenten pisarat sane mabuat, minakadi mapangarah miwah kabuatan sane lianan, kasulurang manut pararem.

Kaping 6

Panyanggran Banjar

Pawos 28

- (1) Krama Banjar ring sawewengkon Desa Pakraman Kutuh Kaja patut sareng nyanggra karya suka-duka sowang-sowang Krama Banjar.
- (2) Tetibak panyanggrane inucap ring ajeng, kasulurang manut pararem.
- (3) Sowang-sowang Krama Banjar sane pacang nangun karya suka-duka sane mabuat, mangda masadok ring Prajuru.

CATURTHAS SARGAH
SUKERTAN TATA AGAMA

Palet 1

Indik Dewa Yajnya

Pawos 29

- (1) Kahyangan-kahyangan panyiwian Krama Desa Pakraman Kutuh Kaja, luwire :
 - ha. Kahyangan Tiga : Pura Desa, Pura Puseh, Pura Dalem.
 - na. Kahyangan-kahyangan panyiwian Krama Desa tiosan ring Kahyangan Tiga :
Pura Alas Arum, Pura Sapuh Jagat, Pura Bale Banjar
- (2) Tegak piodalan ring sowang-sowang kahyangan inucap ring ajeng, kamanggehang sakadi ring sor puniki :
 - ha. Pura Desa, ring rahina Anggara Kasih Dukut
 - na. Pura Puseh, ring rahina Anggara Kasih Dukut
 - ca. Pura Dalem, ring rahina Soma Wage Dukut
 - ra. Pura Sapuh Jagat, ring rahina Anggara Kasih Kulantir
 - ka. Pura Alas Arum ring rahina Soma Wage Julungwangi
 - da. Pura Bale Banjar, ring rahina Purnama Kedasa
- (3) Pamargin pangacine ring sowang-sowang kahyangan inucap ring ajeng, manut kecap sastra agama, saha kalaksanayang kanista, madhyama, utama, manut kawentenana krama sane kaingkupin jeroning pararem.

Pawos 30

- (1) Rine sowang-sowang Pura inucap ring ajeng, patut kaadegang Pamangku.
- (2) Pidaulaha ngadegang Pamangku, nganutin dudonan : ✓
 - ha. Ngwilang saking turunan utawi ngwaris ;
 - na. Malantaran nyanjan utawi nuhur ring Pura sane karebhang Pamangku ;
 - ca. Malantaran kapilih sarak Krama Desa.
- (3) Sang tan wenang kaadegang dados Pamangku, luwire
 - ha. Cedangga, luwire : peceng, perot, cingih lan sapanunggilannya ;
 - na. Sapa siru ugi sane nenten kapatutang manut pararem ;
 - ca. miodang sakit ila, ayan, buduh miwah pinungkan sane tan keneng tinamban ;
 - ra. Sang maderbe parilaksana nenten becik.

(4) Prabea Kapamangkuan :

- ha. Prabea upakara/upacara adiksa Widhi utawi ngwintenang Pamangku, kamedalin miwah kalaksanayang antuk Krama Desa ;
- na. Marep ring prabean pitra yajnya ring Pamangku, yan seda ri wekas, Krama Desane patut maweh dana punia atiwa-atiwa, manut pararem.

(5) Pamangku, patut ngamanggeling sesana miwah agem-ageman Pamangku.

Pawos 31

Swadharmaning Pamangku, luwre :

- ha. Ngenterang upacara piodalan ring kahyangan sane kaempou utawi ring pakubon sowang-sowang krama;
- na. Prade sinalih tunggil Pamangku Kahyangan Desa kapiatung utawi cuntaka, kengin nyelang Pamangku Kahyangan Desa tiosan, utawi nuhur sang sulinggih, katitenin antuk Prajuru;
- ca. Yan Pamangku kalayusekaran, wenang anglepas swadharma, kasulurang manut pararem;
- ra. Yan Pamangku sampun tigang rahina ngayah ring pura sane kaempon, kancu wenten kaluwargannya kalayusekaran, Pamangku inacap tan keneng cuntaka, sakewanten nenten kengin budal salamin piodalan;
- ka. Munggah tedun ring palinggih-palinggih Kahyangan Desa miwah ngiyasi, pralingga-pralingga, manut pamastikan Prajuru;
- da. Ngrajegang sesanan Pamangku.

Pawos 32

Patias utawi olih-olihan Pamangku, luwre :

- ha. Panyelasan miwah sarin cantang rikala mupit yajnya ring sowang-sowang pakubon krama;
- na. Luput pakaryan miwah tetaman;
- ca. Polih apahitigan sarin cantang rikala wenten aci ring kahyangan sane kaemponin;
- ra. Luput atenge prabean welanganing ring kahyangan sane kaemponin

Pawos 33

- (1) Pamangku kagentosin, riantuan :

ha. Seda;

na. Pinunas ngeraga, menawi kageringan lan sapanunggilannya;

ca. Kawusanang antuk krama, riantuan uilar sesanan Pamangku.

- (2) Tata carane ngadegang miwah ngentosin pamangku, kasuluran manut pararem

Pawos 34

Indik Kasukertan Kahyangan, kadudonang sekadi ring sor punika :

- (1) Sane nenten kalugra ngranjing ka pura, luwire :

Ha. Sang katiban cuntaka, minakadi sebel ngraga :

1) sebel kandel ngrajaswala, salami dereng mabresih;

2) sebel antuk ngembasang putra, salami 42 rahina, pateh ring sang karuron;

3) sebel pangantenan, sadereng mabiakala utawi makala-kalan;

4) sebel riantuan kalayusekaran, jantos puputing sengker sane kaingkupin jeroning pararem

na. Makta sahananing bebaktian sane sinanggeh ngibetihin, manut kecap sastra Agama.

ca. sato aguug minakadi wewalungan suku pat, sajawaning rikala mapepade.

ra. Anak alit sadereng mayusa tigang sasih.

ka. Mabusana sane tan manut kadi tatacaraning ngranjing ka pura.

da. Sadereng polih wak-wakan utawi pituduh saking Prajuru Desa

- (2) Tata busanane ngranjing kapura, kasuluran manut pararem

- (3) Pratingkahe tan wenang ring pura, luwire :

ha. Masumpah utawi macoran, sajawaning pituduh Prajuru Desa;

na. ngamedalang wak parusya utawi wak capala;

ca. mabanyu, makoratan, masesenengan, makolem dados asiki lanang wadon, nyangsang busana;

ra. Ngias raga minakadi menehang wastra, menehang pusungan lan sakancan punika, sajawaning sang sulinggih miwah pinadita.

- (4) Sewosan ring Pamangku tan kalugra munggah tedun ring palinggih-palinggih, sajawaning wit saking pituduh Prajuru Desa.

- (5) Sang namung kecape ring njeng, wenang keni dewa danda, manut pamut s. pararem.

Pawos 35

- (1) Yan wenten jadma karawuhan ring pura boya saking nyanjan tur ngawinang kramane biapara, wenang keni dewa danda lan artha danda, sane kasulurang manut pararem.
- (2) Prade Kahyangan Desane kahanan durmanggala minakadi kapancabhayen, Pamangku patut digelis masadok ring Prajuru Desa.
- (3) Indik upakara/upacara pamahayun kadurmanggalan Kahyangan Desa mapagamel kecap sastra agama, sane kasungkemin olih Krama Desa.

Palet 2

Indik Resi Yajnya

Pawos 36

- (1) Sang pacang madeg sulinggih utawi madwijati patut masadok ring Prajuru Desa miwah Parisada Hindu Dharma Indonesia.
- (2) Prajuru Desa patut ngawas lan nitenin tur wenang mialangin, prada kacihnun wenten indik sane tau manut kecap sastra agama, tur sareng nyaksi upakara/upacara padwijatiannya, saha ngantur ayiarang jeroning Paruman Krama Desa tegap rawuhin wates kawenangannya muput yajnya.
- (3) Krama Desa patut madana punia sapadeg miwah ring panglepas Sang Sulinggih miwekas, katuntun antuk Prajuru Desa.
- (4) Sang Sulinggih wenang polih leluputan ayaban miwah peson-peson.

Pawos 37

- (1) Sejeroning muput yajnya, Sang Sulinggih patut ngutamayang muput yajnya ring wewengkon Desa Pakraman Kutuh Kaja, sesanenne puput, wahu muput yajnya ring wewengkon Desa tiisan utawi ka dura Desa.
- (2) Krama Desane sami, patut sareng ngawas lan nitenin katuntun antuk Prajuru, mangda sahanan yajnya sane kalaksanayang olih sowang-sowang Krama Desa, kapuput olih Sulinggih utawi pinandita, manut kawenangannya sowang-sowang.

Palet 3

Indik Pitra Yajnya

Pawos 38

- (1) Desa Pakraman Kutuh Kaja patut sareng nyangga yan wenten saling tinggil krama sane nglaksanayang Pitra Yajnya.
- (2) Tatacara panyanggane muput ring ajeng kasulurang manut pararem.

(3) Dudonan pamargin Pitra Yajnya :

- ba. Majalaran mendem utawi ngeseng, maka cihna makingsan ring Prethiwi utawi makingsan ring Geni, pinaka dharana atos nuptupang prabea.
- na. Majalaran upacara pangabenan utawi palebon.
- ca. Riwusan ngaben, patut kalanturang malih antuk upacara memukur tur karuntutin malih antuk nglinggihang dewa pitara.

Pawos 39

(1) Sinalih tunggil krama sane kalayusekaran/ atiwa-tiwa, mangda masadok ring Prajuru.

(2) Swadharmaning Desa.

- ba. Kelihan Adat patut maristatas sang kaduhkitan, napike pacang kapendem, makingsan ring Geni, utawi lantur kaabeuang.
- na. Prade kapendem, raris kawentenang panepuk kulkul tenggeran kalayusekaran.
- ca. Panyanggrau Krama Desa salantur nya manut sakadi sane sampun kaunggulan jeroning pararem, jantos pemendemanne puput.
- ra. Prade makingsan ring geni, panyanggrau Krama Banjar salanturnya, manut kadi daging pararem, jantos pamargin upacara puput.
- ka. Prade kaabeuang, panyanggrau Krama Banjar salanturnya, manut kadi daging pararem, jantos pamargin upacara puput.

(3) Tan kalugra nginepang bangbang.

(4) Desane maweh galah ring sang kalayusekaran sajeroning pitung rahina kengin atiwa-atiwa, sejawaning wenten kabuatan tiis saking sang yajamana.

(5) Larangan pependeman miwah palebon ring wewengkon Desa Pakraman Kutuh Kaja kaunggulan jeroning pararem.

(6) Prade wenten kalayusekaran rikala piodalan ring Kalyangan Desa, kengin mendem tan pasadek, tan patut ngerereh galah managi rikala wengi.

Pawos 40

(1) Desa Pakraman Kutuh Kaja ngamanggahang indik euntaka, mapagamel ring Pamutus Mahasabha Patisada Hindu Dharma Indonesia.

(2) Tatacarane nyulurang kacuntakan, mapagamel kecap sastra agama, kaanutang ring drestan desa, sane kungkupin jeroning pararem.

(3) Sinalih tunggil krama sane kahanan euntaka, yan durung utas, tan kalugra nyarubin genah suci dhuwen Desa miwah dhuwen sowang-sowang krama.

(4) Sang mamurug, patut keni dewa danda, manut pararem.

(5) Sengker utas cuntaka manut kawenteuannya, kasulurang sekadi ring sor puniki :

ba. Kalayusekaran, cuntakannya kaanutan ring drestan Desa miwah sastra dresta.

ua. Ngrajaswala, cuntakannya salamining ngrajaswala.

ca. Ngeimbasan putra, abulan pitung rahina ngawit saking putrane embas, ngantos katiwakin upakara/upacara tutug kanibuhan.

ra. Karuron, cuntakannya abulan pitung rahina ngawit saking karuron, ngantos katiwakin tirta pamrayascita.

ka. Pawiwahan, cuntakannya ngantos sampun makala-kalan.

da. Gamia gamana, cuntakannya ngantos sampun kapalasang, karuntutin antuk mrayascita sikian, Desa Adat miwah Kahyangan Desa.

ta. Salah timpal, cuntakannya kapuputang manut kecap sastra agama miwah drestan Desa.

sa. Anak istri molot malantaran lokika sanggraha kandugi nen-en katiwakin upakara/upacara pabiakaonan, cuntakannya saduring katiwakin upakara/upacara pabiakaonan.

wa. Anak istri ngembasang putra malantaran lokika sanggraha kandugi, pecak nenten katiwakin upakara/upacara pabiakaonan miwah widhi widhana, cuntakannya ngantos wenten metas anake afit, karuntutin antuk upakara/upacara manut kecap sastra agama.

la. Sad Atatayi, cuntakannya ngantos mrayascita sikian miwah ngesehin prawreti.

ma. Manitra ngalang, cuntakannya ngantos katiwakin upakara/upacara pabiakaonan.

(6) Cuntaka kalayusekaran/kapademan :

ba. Kapendem, cuntakannya :

1) Cuntaka ka Banjar lamunipun ngantos sampun mrayascita (masepuh)

2) Kulawarganya sajeroning pakemangan manut dresta.

na. Kaabenan, cuntakannya :

1) Cuntaka ka Banjar, manut dresta sane kapikukuh antuk pararem.

2) Cuntakan sang nyambut icarya pira yajnya manut dresta sane kapikukuh antuk pararem.

(7) Sang katiben cuntaka, luwire :

ba. Kalayusekaran, sane cuntaka :

- 1) Sang kalayusekaran ;
- 2) Kulawargannya ;
- 3) Desa Pakramannya.

na. Ngrajaswala, sane cuntaka : sang ngrajaswala.

ca. Ngembasang putra, sane cuntaka : sang maderbe putra, lanang wiadin istri,
utawi yayah renan sang wahu embas.

ra. Pawiwahan, sane cuntaka : sang mawiwaha, lanang wiadin istri.

ka. Karuron, sane cuntaka : sang karuron rawuhing lanangnyane.

da. Gamia gamana, sane cuntaka :

- 1) Sang nglaksanayang gamia gamana ;
- 2) Desa Adatnyane.

ta. Salah timpal, sane cuntaka :

- 1) Sang nglaksanayang salah timpal ;
- 2) Desa Adatnyane.

sa. Anak istri mobot malantaran lokika sanggraha kandug, nenten katiwakin
upakara-upacara pabiakawonan, sane cuntaka : anake istri sane mobot
punika.

wa. Anak istri ngembasang putra malantaran lokika sanggraha kandugi pecak
nenten katiwakin upakara-upacara pabiakawonan miwah Widhi Widhana,
sane cuntaka :

- 1) Sang ngembasang putra ;
- 2) Putrane sane kaembasang.

la. Mamira ngalang, sane cuntaka : sang nglaksanayang mamira ngalang
punika.

ma. Sad atayi, sane cuntaka : sang nglaksanayang sad atayi punika.

(8) Sang tan keneng cuntaka, luwire :

ba. Sang Sulinggih :

na. Pamangku Kahyangan sane karang-sung olih Desa.

Pawos 41

- (1) Pamargin atiwa-tiwa utawi pangabenan kalaksanayang mapagamel kecap sastra agama miwah dresta.
- (2) Pepatusan pangabenan, kasuluran manut pararem.
- (3) Pangingune ring Krama Banjar, kasulurang manut pararem.

Palet 4

Indik Manusa Yajnya

Pawos 42

- (1) Krama Desa minakadi Krama Banjar, patut sareng nyangra miwah nitenin yan wenten sinalih tunggil krama nglaksanayang Manusa Yajnya sane mabuat.
- (2) Tatacara panyangrane mucap ring ajeng kasulurang manut pararem.
- (3) Sang pacang nglaksanayang Manusa Yajnya sane mabuat, mangda masadok ring Prajuru.
- (4) Manusa Yajnya inggih punika, upacara-upacara dharmaning kahuripan manusa, ngawit saking patemonin kama bang lan kama petak sejeroning garbha, ngantos kalayusakutan ri wekas.
- (5) Upacara-upacara mucap ring ajeng kamargiang kanista, madhayama utama, manut kecap sastra agama miwah dresta.

Palet 5

Indik Bhuta Yajnya

Pawos 43

- (1) Desa Pakraman Kutuh Kaja patut nyanggra pamargin Bhuta Yajnya, marep ring kabuatan Desa Pakraman Kutuh Kaja.
- (2) Pidabdah pamargin Bhuta Yajnya mucap ring ajeng, mapagamel ring kecap sastra agama, kamanutang ring drestan Desa, sane kapikukuh antuk pararem.
- (3) Krama Desa patut sareng nyanggra sinalih tunggil krama sane nglaksanayang Bhuta Yajnya sane mabuat.
- (4) Sang pacang nglaksanayang Bhuta Yajnya sane mabuat, mangda masadok ring Prajuru.

Pawos 44

- (1) Bhuta Yajnya marep kabuatan Desa Pakraman minakadi caru sasil miwah sane lianan, kasulurang manut pararem.
- (2) Indik pamargin palelastian utawi makiyis, kasulurang manut pararem.

- (3) Nangken warsa, rikalaning Tilem Sasih Kasanga, patut karaksanayang Tawur Kasanga, kalanturang antuk Pangrupukan, pinaka cilna nyanggra pangrawuh Nawa Saka Warsa (Tahun Baru Saka) ring pananggal apisan Sasih Kadasa, sane kawastanin Nyepi.
- (4) Rikalaning Nyepi, sowang-sowang Krama Desa patut ngamangiang Catur Brata Penyepian, inggih punika :
- ha. Amati Geni : tau kengin maapi-api ;
 - na. Amati Karya : tan kengin nyambut karya ;
 - ca. Amati Lelanguan : tan kengin maoneng-onengan, ngwijilang suara ghora, nabuh gegambelan, lan sakancaunyo ;
 - ra. Amati Lelungan : tan kengin malehngayan mrika-mriki.
- (5) Catur Brata Penyepian punika kamargiang saking semeng jantos benjangne ngedas rahina.
- (6) Mangda pamargin Catur Brata Penyepian punika trepti, patut katilikin antuk tetelik Desa sane kawastanin Pacalang Desa, tur sang mamurug patut katiwakin pamidanda, sane kasulurang manut paracin.
- (7) Benjangne ring pananggal ping kalih Sasih Kadasa, kawastanin Ngenbak Geni, sowang-sowang krama patut saling ngaksamayang sane kawastanin Dharma Santi.

PAÑCAMAS SARGAH SUKERTAN TATA PAWONGAN

Palet 1

Indik Pawiwahan

Pawos 45

- (1) Krama Desa minakadi Krama Banjar, patut sareng nyanggra miwah nitenin sitalih tunggil krama sane nglaksanayang pawiwahan.
- (2) Pamargin pawiwahan, hwire :
- ha. Malantaran pepadikan :
 - na. malantaran ngorod utawi marangkat (ngrangkat) ;
 - ca. malantaran nyentana utawi nyentana nyeburin.
- (3) Indik Pawiwahan, Desa Pakraman Kutuh Kaja ngamanggehang Undang-Undang Nomor 1 Tahun 1974, miwah Peraturan Pemerintah Nomor 9 Tahun 1975, indik Pawiwahan.

- (4) Tatacara panglaksanannya, mapagamel ring kecap sasira agama, kaanutin ring drestan Desa, sane kapikukuh jeroning pararem.
- (5) Sinalih tunggil krama sane pacang nglaksanayang Pawiwahan: mangda masadok ring Prajuru.

Palet 2

Indik Nyapihan

Pawos 46

- (1) Prajuru Desa minakadi Prajuru Banjar, wenang sareng mawosin miwah nitenin yan wenten sinalih tunggil krama sane mapikarsa pacang palas marabi, gumati nenten kadurusan dados nyapihan.
- (2) Yan krama inucap kukuh ring pikarsannya, Desa Adat minakadi Banjar Adat, nenten sumakuta ring pamarginnya.
- (3) Saderenge pastika polih pamutus saking sang ngawawenang minakadi Sang Rumawos (Pengadilan Negeri), krama inucap manggeli keni tetegenan krama, sakadi nguni.

Palet 3

Indik Sentana

Pawos 47

- (1) Prajuru Desa minakadi Prajuru Banjar wenang sareng mawosin miwah nitenin yan wenten sinalih tunggil krama sane ngindikang sentana.
- (2) Indik sentana, Desa Pakraman Kutuh Kaja ngamanggehang uger-uger jagat minakadi kawicaksanan sang maraga Guru Wisesa, kaamutang ring drestan desa, sane kapikukuh antuk pararem.
- (3) Sang pacang ngrajegang sentana, mangda masadok ring Prajuru.

Palet 4

Indik Warisan

Pawos 48

- (1) Prajuru Desa minakadi Prajuru Banjar wenang sareng mawosin miwah nitenin yan wenten sinalih tunggil krama sane ngindikang warisan.
- (2) Indik Warisan, Desa Pakraman Kutuh Kaja ngamanggehang uger-uger jagat minakadi kawicaksanan sang maraga Guru Wisesa, kaamutang ring drestan desa, sane kapikukuh antuk pararem.
- (3) Sang pacang ngindikang warisan, mangda masadok ring Prajuru.

**SASTHAS SARGAH
WICARA LAN PAMIDANDA**

Palet 1

Indik Wicara

Pawos 49

- (1) Sane wenang mawosin wicara ring wewengkon Desa Pakraman Kutuh Kaja, inggih panika Prajuru Desa maka miwah Dulun Desa sane kawastanin Kerta Desa.
- (2) Prade sang mawicara tan cumpu ring Pamutus Kerta Desa, kengin nunasang ring Sang Rumatwos.
- (3) Sahanan wicara sane mawit saking kacorahan sakaluwire sane suwanggeh nangkasin daging awig-awig, pasuara miwah pararem Desa/Banjar, patut digelis kabawosin olih Prajuru, nenten nyantos pasadok malih.
- (4) Sajaba wicara sakadi ring ajeng, patut nyantosin pasadok sang nunas bawos.
- (5) Panepase mangda pastika nyantenang iwang patut malarapan Tri Pramana, inggih panika : saksi, likita, bokti, tur panepase tan maren nepek ring Catur Dresta.

Palet 2

Indik Pamidanda

Pawos 50

- (1) : Banjare, wenang nibakang pamidanda ring warga Desa/Banjar sane sisip.
- (2) : Buktik pamidanda imucap ring ajeng, kalaksanayang olih Prajuru.
- (3) : Buktikan pamidanda, luwire :
 - (a) : Ayahane panukun kasisipan ;
Artha danda saba panikelnya, miwah panikel paturunan ;
 - (b) : Kanorayang ;
 - (c) : Kawasenang makrama tur pipil karang ayahannya kawaliang ;
 - (d) : Panyangaskara (katundung) ;
 - (e) : Ine sane laliwakang, patut masor singgih, manut kasisipan.
- (4) : Buktik arthabagana pamidanda, ngranjing dados dluwen Desa/Banjar.

SAPTAMAS SARGAH
NGUWAH-UWUHIH AWIG-AWIG

Pawos 51.

- (1) Nguwah - uwuhin awig- awig Desa puniki, wantah kengin kalaksanayang antuk Paruman Krama Desa.
- (2) Pakarsane nguwah - uwuhin punika, mangda mawit saking pakarsan Krama Desa, yadiastun kamedalan antuk sinilih tunggal Prajuru, utawi sinarengan.

Pawos 52.

- (1) Sakaluring indik sane sampun kamanggih sadereng awig-awig puniki kasurat, mangda kaanutang ring sadaging awig- awig puniki.
- (2) Sakaluwir sane during kasurat sajeroning awig-awig puniki, manawi kangkat, kanggen mitegepin awig- awig puniki, pacang kasurat sajeroning Pararem.

ASTAMAS SARGAH
SAMĀPTA

Pawos 53.

- (1) Awig-awig puniki kawastanin awig-awig Desa Pakraman Kutuh Kaja.
- (2) Awig-awig puniki kamanggih ngawit kaingkupin manawi kararetnin.

Pawos 54.

- (1) Awig-awig puniki kamanahin duk :

Rahina	Goma.
Wuku	Langka.
Pananggal	15, (Lima belas Purnama.)
Sasih	Kapat.
Warsa / Isaka	1927.
Tanggal	17 Oktober, 2005.
Magenah Ring	Bale Banjar Kutuh Kaja.


- (2) Awig-awig puniki kalinggatanganin antuk Bendesa Adat Kutuh Kaja miwah olih sang ngawewenang manut kawenangannya sowang-sowang, tur kapikukuh antuk Murdhaning Pamikukuh : Bupati Tabanan.

Luwir sang nglinggatanganin :



(2) Kelihan Adat Banjar
Kutuh Kaja
I. Gusti Pahi Sudarsana

Saksi – Saksi



Kawikanin



PEMIKUKUH




(1) Ketua Majelis Madya
Kab. Tabanan

Drs. I G S. Md. Purnavasa, SH, M.Si



Ketua PMDI
Kab. Tabanan

Drs. I Md. Samba



(3) Kepala Kantor Departemen Agama
Kab. Tabanan

Drs. N. Wayan Yudha, M.Ag



MURAHANING PAMIKUKUH,
BUPATI TABANAN,

N. ADI WIRYATAMA, S.Sos, M.Si

Mengetahui dan Telah dicatatkan:

Tanggal : 23 MARET 2006

Reg. Nomor : 189/62/HK



Kepala Bagian Hukum
Sekretariat Daerah Kab. Tabanan

I. G. A. PT. SUMARPATNI, SH, M.Si

LEPIHAN 1:

SAKSI SAKSI SAMPING

ha. Sisi Wetan : Tukad Yeh Nu.

na. Sisi Kidul : Desa Pakraman Kutuh Kelod

Bendesa Adat



I Putu Suastika

Kepala Desa Samsam



Drs. Satria Wedana

ca. Sisi Kulon : Tukad Yeh Nusa.

ra. Sisi Lor : Desa Pakraman Riang Gede.



I Wayan Sudiatra

Kepala Desa Riang Gede



Drs. Iwa Pulu Suraga

LEPIHAN II. : Tim Penyusunan Awig-Awig Desa Pakraman Kutuh Kaja.

Ketua I. : I.B. Km. Asika.
II : I.Wyn Sudiadnyana.

Sekretaris I. : I.Ngh. Rateng
II : I.Wyn Torkiana.

Pembantu : 1. I. Wyn. Sumarna
2. I.Ngh. Mudana.
3. I.Wyn. Jicvat
4. I.Kd. Winaja
5. I.Gst.Km. Adi Laksana.
6. I.Gst.Pt. Sudarsana